



REPUBLIKA E SHQIPËRISË
UNIVERSITETI I TIRANËS
REKTORATI

Nr. 2605 Prot.

Tiranë më, 01.10.2021

VENDIM

Nr. 5, datë 01.10.2021

**“PËR MIRATIMIN E KRITEREVE QË DUHET TË PLOTËSOJNË KANDIDATËT
PËR VENDET E PUNËS PËR PERSONEL NDIHMËSAKADEMIK ME KARAKTER
ADMINISTRATIV NË REKTORATIN E UT-së”**

Bazuar në nenin 66, pikat 3, 4, të ligjit nr. 80/2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”; në nenin 80, pikat 1, 2, 7, të Statutit të UT-së; në propozimet e kriterëve të veçanta të njësive ku personeli ndihmësakademik me karakter administrativ do të shërbejë, sipas strukturës organizative të miratuar të Rektoratit të UT-së; Rektorati i UT-së, në mbledhjen e tij të datës 01.10.2021, pasi mori në shqyrtim kriteret e propozuara,

VENDOSI:

I. Të miratojë kriteret e punësimit sipas Lidhjes nr. 1, bashkëngjitur këtij vendimi, të personelit ndihmësakademik me karakter administrativ në Rektoratit të UT-së, për vendet e punës, si më poshtë vijon:

1. Drejtor i Drejtorisë së Kërkimit Shkencor, Projekteve dhe Marrëdhënieve me Jashtë
2. Përgjegjës i Sektorit të Marrëdhënieve me Studentët
3. Specialist në Sektorin e Marrëdhënieve me Studentët
4. Specialist në Sektorin e Sigurimit të Cilësisë
5. Specialist në Sektorin Juridik

II. Ky vendim, së bashku me Lidhjen nr. 1 të tij, i përcillet Drejtorisë së Shërbimeve të Brendshme në Rektoratit të UT-së, për vazhdimin e procedurave të mëtejshme.

III. Ky vendim hyn në fuqi menjëherë.

REKTORI
Prof. Dr. Artan Hoxha



Lidhja nr. 1

Kriteret e punësimit të personelit ndihmësakademik me karakter administrativ në Rektoratin e UT-së

1. Drejtori i Drejtorisë së Kërkimit Shkencor, Projekteve dhe Marrëdhënieve me Jashtë

Kritere të përgjithshme

1. Të jenë shtetas shqiptar me zotësi të plotë për të vepruar;
2. Të zotërojnë diplomë të nivelit “Master i Shkencave” ose diplomë ekuivalente me të. Për diplomat e fituara jashtë vendit, të jetë bërë njohja e tyre nga ministria përgjegjëse për arsimin;
3. Të mos jetë dënuar me vendim të formës së prerë të gjykatës për kryerjen e një vepre penale me dashje;
4. Të mos jetë marrë ndaj tij masa disiplinore e largimit nga puna.


Kritere të veçanta

1. Të kenë eksperiencë pune në IAL jo më pak se 5 vite, në fushën e marrëdhënieve me jashtë, shkrim/zbatim projekti.
2. Preferohen kandidatët që kanë Grada/Titujt shkencorë;
3. Preferohen të kenë eksperiencë në programet Europiane (Erasmus +, Horizon Europe, etj.);
4. Të njohin shumë mirë legjislacionin në fuqi, preferohet atë në arsimin e lartë;
5. Të kenë njohuri shumë të mira në përdorimin e kompjuterit;
6. Të njohë një gjuhë të huaj, preferohet gjuha angleze, e provuar me dëshmi;
7. Të kenë aftësi shumë të mira organizacionale, komunikimi, etikë profesionale dhe të dijë të punojë në grup.

2. Përgjegjës i Sektorit të Marrëdhënieve me Studentët

Kritere të përgjithshme

1. Të jenë shtetas shqiptarë me zotësi të plotë për të vepruar;
2. Të zotërojnë diplomë të nivelit “Master i Shkencave” ose diplomë ekuivalente me të në Marrëdhënie me Publikun. Diplomat e nivelit “Bachelor” duhet të jenë në drejtimin Gazetari – Komunikim. Për diplomat e fituara jashtë vendit, të jetë bërë njohja e tyre nga ministria përgjegjëse për arsimin;
3. Të mos jenë dënuar me vendim të formës së prerë të gjykatës për kryerjen e një vepre penale me dashje;
4. Të mos jetë marrë ndaj tyre masa disiplinore e largimit nga puna.



Kritere të veçanta

1. Të kenë eksperiencë pune jo më pak se 3 vite, preferohet eksperiencia e punës në fushën e marrëdhënieve me publikun, studentët;
2. Të kenë njohuri shumë të mira në përdorimin e kompjuterit, të provuara me dëshmi;
3. Të njohë me dëshmi gjuhën angleze. Njohja e gjuhëve të tjera të huaja përbën përparësi;
4. Të kenë aftësi shumë të mira organizacionale, komunikimi, etikë profesionale dhe të dijë të punojë në grup.

3. Specialist në Sektorin e Marrëdhënieve me Studentët

Kritere të përgjithshme

1. Të jenë shtetas shqiptarë me zotësi të plotë për të vepruar;
2. Të zotërojnë diplomë të nivelit “Master i Shkencave” ose diplomë ekuivalente me të në Marrëdhënie me Publikun. Diplomat e nivelit “Bachelor” duhet të jenë në drejtimin Gazetari – Komunikim. Për diplomat e fituara jashtë vendit, të jetë bërë njohja e tyre nga ministria përgjegjëse për arsimin;
3. Të mos jenë dënuar me vendim të formës së prerë të gjykatës për kryerjen e një vepre penale me dashje;
4. Të mos jetë marrë ndaj tyre masa disiplinore e largimit nga puna.


Kritere të veçanta

1. Të kenë eksperiencë pune të paktën 1 vit;
2. Të kenë njohuri shumë të mira në përdorimin e kompjuterit, të provuara me dëshmi;
3. Të njohë me dëshmi gjuhën angleze. Njohja e gjuhëve të tjera të huaja përbën përparësi;
4. Të kenë aftësi të mira komunikimi, etikë profesionale dhe të dijë të punojë në grup.

4. Specialist në Sektorin e Sigurimit të Cilësisë

Kritere të përgjithshme

1. Të jenë shtetas shqiptarë me zotësi të plotë për të vepruar;
2. Të zotërojnë diplomë të nivelit “Master i Shkencave” ose diplomë ekuivalente me të. Për diplomat e fituara jashtë vendit, të jetë bërë njohja e tyre nga ministria përgjegjëse për arsimin;
3. Të zotërojnë me dëshmi të paktën një nga gjuhët e huaja të Bashkimit Europian (anglisht, frengjisht, italisht, gjermanisht, spanjisht). Nëse kandidati ka fituar një diplomë të një programi studimi të kryer në një nga këto gjuhë, diploma e fituar shërben si dëshmi për plotësimin e këtij kriteri;
4. Të mos jenë dënuar me vendim të formës së prerë të gjykatës për kryerjen e një vepre penale me dashje;



5. Të mos jetë marrë ndaj tyre masa disiplinore e largimit nga puna.

Kritere të veçanta

1. Të ketë të paktën 1 (një) vit eksperiencë pune në fushën përkatëse;
2. Të kenë njohuri shumë të mira në përdorimin e kompjuterit, të provuara me dëshmi;
3. Të ketë njohuri shumë të mira të Ligjit të Arsimit të Lartë;
4. Të kenë aftësi shumë të mira komunikimi dhe të dinë të punojnë në grup.

5. Specialist në Sektorin Juridik

Kritere të përgjithshme

1. Të jenë shtetas shqiptarë me zotësi të plotë për të vepruar;
2. Të zotërojnë të paktën një diplomë të nivelit “Bachelor” ose diplomë ekuivalente me të në Drejtësi. Për diplomat e fituara jashtë vendit, të jetë bërë njohja e tyre nga ministria përgjegjëse për arsimin;
3. Të mos jenë dënuar me vendim të formës së prerë të gjykatës për kryerjen e një vepre penale me dashje;
4. Të mos jetë marrë ndaj tyre masa disiplinore e largimit nga puna.

Kritere të veçanta

1. Preferohet të kenë eksperiencë pune deri në 1 vit;
2. Të njohin shumë mirë legjislacionin në fuqi, preferohet atë në arsimin e lartë;
3. Të kenë njohuri shumë të mira në përdorimin e kompjuterit, të provuara me dëshmi;
4. Të njohin një gjuhë të huaj, preferohet gjuha angleze, e provuar me dëshmi;
5. Të kenë aftësi të mira komunikimi, etikë profesionale dhe të dijë të punojë në grup.

